



Šta se dešava poslije vašeg snimljenog mamograma?

Čestitamo vam na tome što ste obavili tu važnu zdravstvenu provjeru!

Vaše snimke će očitati dva radiologa. Učinit će se sve što je neophodno da vam se pošalju rezultati poštom ili elektronskim putem u roku od dvije sedmice. Kopija vašeg snimka će se takođe uputiti ljekaru opšte prakse kojeg ste imenovali izuzev ako ste zatražili nešto drugo. Kada date svoj pristanak rezultati vašeg mamograma će se uključiti u vaše podatke u My Health Record.

Ako vas još nešto brine možete posjetiti naš vebisaj na www.breastscreen.health.wa.gov.au ili nazvati (08) 9323 6700 ili besplatan broj u unutrašnjosti 1800 800 033.

Šta ako trebam ponovno uraditi rendgensko snimanje?

Ponekad, ali rijetko radiolog će zahtijevati ponovno rendgensko snimanje ako prikazana slika nije dovoljno jasna. Ako to bude potrebno, dobit ćete telefonski poziv ili pismo sa molbom da se vratite. Ti ponovni rendgenski snimci će biti urađeni u klinici za kontrolno snimanje.

Šta ako trebam uraditi dodatne rendgenske snimke dojki?

Otprilike 1 u 20 žena dobije poziv da se vrati na dodatno snimanje dojki. Ti snimci će se fokusirati na dio dojke koji se mora detaljnije pregledati. Ako to bude potrebno BreastScreen WA će vas kontaktirati i zakazati termin za snimanje.

Žene koje žive u gradskom području

U gradskom području se dodatno rendgensko snimanje obavlja u jednom od centara za kontrolno snimanje dojki BreastScreen WA, koji se nalaze u bolnicama Fiona Stanley, Royal Perth i Sir Charles Gairdner. Često će ti dodatni snimci pokazati da nema nikakvog problema. Mali broj žena treba uraditi neke dodatne testove, kao što su ultrazvuk ili biopsija. Ti testovi se obavljaju istog dana kad i dodatno rendgensko snimanje.

Žene koje žive u unutrašnjosti Zapadne Australije

Za žene koje žive u unutrašnjosti dodatno rendgensko snimanje se obavlja u mobilnim jedinicama. BreastScreen WA će vas kontaktirati i javiti vam da li su vam potrebni bilo kakvi dodatni testovi.

U prostorijama Bunbury South West Health Campus-a postoji stalna regionalna služba za snimanje i procjenu stanja dojki.

Važno je imati u vidu da većina žena koje urade dodatne testove nemaju rak

Sve žene koje trebaju uraditi dodatne testove imaju izbor da budu upućene direktno u jedan od naših centara za kontrolno snimanje dojki ili da odu kod svog ljekara opšte prakse. Svi rezultati testova u centrima za kontrolno snimanje dojki mogu se dobiti u vrijeme zakazane posjete, osim rezultata sržne biopsije, koji će se moći dobiti nakon 24 sata.

Za nekolicinu žena sa rakom, ranim otkrivanjem će se u mnogome povećati šansa za uspješno liječenje. Rak manjih dimenzija se često može liječiti manje invazivnim hirurškim zahvatom u poređenju s onim većih dimenzija.

Hoće li mamogram prikazati sve rakove dojke?

Snimljenim mamogramima može se otkriti 70-90% rakova dojki. Međutim, postoji mali broj rakova koji se ne mogu uočiti na mamogramu. Postoji šansa da će se u mamogramu propustiti promjena prouzrokovana rakom dojke (lažni negativni nalaz) ili će se obaviti dodatni testovi kojima će se ispitivati promjena koja nije prouzrokovana rakom dojke (lažni pozitivni nalaz).

Ako primjetite bilo kakve promjene u vašim dojkama, kao što su kvržice, iscjedak iz bradavice na dojci ili neprekidan novi bol u dojci, molimo odmah otiđite kod svog ljekara opšte prakse, čak i ako vaš zadnji mamogram nije pokazao znakove raka na dojci. Dobročudne promjene, kao što su ciste, se često uoče na mamogramu, ali vi ćete o njima biti obaviješteni samo ako su potrebni dodatni testovi.

Šta se dešava poslije toga?

BreastScreen WA će vam poslati pismo i javiti vam kada biste trebali imati vaš sljedeći mamogram. Ako iz nekog razloga ne dobijete to pismo, molimo nazovite nas na 13 20 50* pa ćemo vam zakazati sljedeći termin za vaš pregled.

Vaši mamogrami koji su snimljeni u tom programu pažljivo se čuvaju za poređenje sa budućim snimcima dojki.

Žene u dobi od 75 godina i starije ne dobivaju pismo kao podsjetnik ali mogu putem interneta zakazati termin za snimanje ili telefonskim pozivom na broj 13 20 50*.

Ako promjenite adresu, molimo nazovite 13 20 50* i javite nam to.

Za prevodioca molimo nazovite 13 14 50

(*po cijeni lokalnog poziva)

Šta bih drugo trebala uraditi?

Žene u dobi od 50 godina ili starije imaju BESPLATAN mamogram za provjeru stanja dojki svake dvije godine.

- Ako redovno idete na to snimanje, bilo kakav rak na dojci će vjerovatno biti otkriven u ranom stadiju.
- Samo od 1–5% žena će možda treba snimati mamogram svake godine, zavisno od toga koliko je njihovog porodičnog historijata raka dojke značajan faktor.
- Ako ste ranije imali rak dojke važno je da odlazite kod svog ljekara opšte prakse na redovne kontrolne preglede i da jednom godišnje odete na snimanje mamogramom.

Posvetite pažnju svojim dojkama

- Sami pregledajte svoje dojke i utvrdite šta je za vas normalno. Pogledajte svoje dojke u ogledalu i s vremena na vrijeme ih opipajte.
- Odmah otidite kod svog ljekara opšte prakse ako primjetite bilo kakve neobične promjene na svojim dojkama.
- Raspitajte se kod vašeg ljekara opšte prakse o zdravlju dojki kada sljedeći put budete išli na kontrolni pregled.

U promjene koje se ne smiju ignorisati spadaju:

1. kvržica, kvrgavost ili zadebljanje u dojci ili pazušnoj jami;
2. promjene u bradavici dojke kao što su uvučena bradavica, novi iscjedak iz bradavice, svrbež ili čir na koži;
3. promjene na koži dojke, kao što su jamice, mreškanje kože ili crvenilo;
4. dio dojke kojeg osjećate drugačijim od preostalog dijela;
5. novi neprekidni bol u dojci.

Da li imate nekih pitanja?

Kontaktirajte svog ljekara opšte prakse ili nazovite BreastScreen WA na 13 20 50 za zakazivanje snimanja ili (08) 9323 6700 za informacije ili nazovite 1800 800 033, to je besplatan broj za žene u unutrašnjosti.

Email: breastscreenwa@health.wa.gov.au

Nacionalna relejna služba www.relayservice.gov.au

Služba prevodilaca i tumača (TIS) 13 14 50

Više informacija na vašem jeziku može se naći na vebajtu BreastScreen WA:

www.breastscreen.health.wa.gov.au/Breast-screening/Multicultural-women



www.breastscreen.health.wa.gov.au